

Anzeigebblatt

für die Erzdiöcese Freiburg.

Nro. 18.

Mittwoch, den 27. Oktober

1880.

SANCTISSIMI DOMINI NOSTRI

Leonis

DIVINA PROVIDENTIA

PAPAE XIII.

EPISTOLA ENCYCLICA

AD PATRIARCHAS PRIMATES ARCHIEPISCOPOS ET EPISCOPOS UNIVERSOS CATHOLICI ORBIS
GRATIAM ET COMMUNIONEM CUM APOSTOLICA SEDE HABENTES.

*Venerabilibus Fratribus Patriarchis Primatibus Archiepiscopis Et Episcopis Universis Catholici Orbis
Gratiam et Communionem Cum Apostolica Sede Habentibus*

Leo PP. XIII.

VENERABILES FRATRES SALUTEM ET APOSTOLICAM BENEDICTIONEM.

Grande munus christiani nominis propagandi, beato Petro principi Apostolorum eiusque Successoribus singulari modo demandatum, Romanos Pontifices impulit, ut sacri Evangelii nuntios ad varias orbis terrarum gentes diversis temporibus mittendos curarent, prout res et consilia *miserentis Dei* postulare viderentur. — Quamobrem sicut Augustinum ad Britannos in culturam animorum legaverunt, Patritium ad Hibernos, Bonifacium ad Germanos, Villebrordum ad Phrisios, Batavos, Belgas, aliosque persaepe ad alios; sic etiam apostolici muneris apud Slavoniae populos obeundi facultatem CYRILLO et METHODIO, viris sanctissimis, concesserunt: quorum instantia maximisque laboribus perfectum est, ut illi Evangelii lumen aspicerent, et ab agresti vita ad humanum civilemque cultum deducerentur.

Cyrillum et Methodium, par Apostolorum nobilissimum, si hominum fama, beneficiorum memor, celebrare Slavonia tota numquam desiit; non minore certe studio colere Ecclesia Romana consuevit, quae et utrumque eorum, quamdiu vixerunt, multis rebus honoravit, et alterius demortui cineribus carere noluit. — Inde iam ab anno MDCCCLXIII Slavonici generis Bohemis, Moravis et Croatis, qui solemnitas in honorem Cyrilli et Methodii celebrare quotannis die nono mensis martii consueverant, indulgentia Pii IX immortalis memoriae decessoris Nostri permissum est, ut deinceps diem quintum mensis Iulii festum agerent, horariasque preces ob Cyrilli et Methodii memoriam persolverent. Neque multo post, quo tempore Concilium magnum ad Vaticanum haberetur, per plures Episcopi ab hac Apostolica Sede suppliciter petiverunt, ut eorundem cultus et stata solemnitas ad universam Ecclesiam propagaretur. Verum infecta ad hanc diem re, et ob temporum vices mutato per eas regiones rei-

publicae statu, opportunus Nobis oblatus videtur locus iuvandi Slavoniae populos, de quorum incolumitate et salute solliciti magnopere sumus. Igitur cum paternam caritatem Nostram nulla in re ab iis desiderari patimur, tum latius proferri augerique religionem volumus hominum sanctissimorum, qui Slavonicas gentes sicut olim, disseminata fide catholica, ab interitu ad salutem revocarunt, ita nunc sunt caelesti patrocinio potenter defensuri. Quo autem magis emergat, quales sint quos orbi catholico venerandos et colendos proponimus, placet rerum gestarum historiam breviter attingere.

Cyrillus et Methodius fratres germani, Thessalonicae amplissimo loco nati, Constantinopolim mature concesserunt, ut in ipsa urbe Orientis principe humanitatis artes addicerent. Nec latuit scintilla ingenii, quae iam tum elucebat in adolescentibus; nam uterque plurimum brevi profecerunt; at Cyrillus maxime, qui eam scientiarum laudem adeptus est ut singularis honoris causa *Philosophus* appellaretur. Non longo intervallo monachum agere Methodius coepit; Cyrillus autem dignus est habitus, cui Theodora imperatrix, auctore Ignatio Patriarcha, negotium daret erudiendi ad fidem christianam Chazaros trans Chersonesum incolentes, qui idoneos sacrorum administratos Constantinopoli imploraverant. Quod ille munus non gravate accepit. Itaque Chersonam in Tauris adlatus, sermoni vernaculo illius gentis, ut quidam ferunt, aliquamdiu operam dedit; eoque tempore sibi contigit optimis auspiciis, ut S. Clementis I P. M. sacros cineres inveniret, quos quidem haud difficile agnovit cum ex pervagata maiorum memoria, tum ex anchora, quacum ipsa martyrem fortissimum Traiani imperatoris iussu in mare praecipitem actum, et deinde conditum fuisse constabat. — Tam pretioso thesauro potitus, in Chazarorum

urbes sedesque penetravit; quos praeceptis suis edoctos et Dei numine instinctos, multiplici superstitione deleta, ad Iesum Christum adiunxit. Recenti christianorum communitate optime constituta, continentiae simul et caritatis memorabile documentum edidit, cum oblata ab indigenis dona omnia recusavit, excepta servorum, qui christianum nomen profiterentur, manumissione. Mox Constantinopolim rediit alacer, atque in monasterium Polychronis, quo se iam Methodius receperat, Cyrillus ipse secessit.

Interim res apud Chazaros prospere gestas ad Rastilaum Moraviae principem fama detulerat. Is, Chazarorum exemplo incitatus, de aliquot operariis evangelicis Constantinopoli arcessendis cum imperatore Michaële III egit, nec difficile, quod volebat, impetravit. Igitur tot iam factis nobilitata virtus, proximorumque iuvandorum in Cyrillo et Methodio perspecta voluntas effecit, ut ii Moraviensi expeditioni destinarentur. Cumque iter per Bulgariam instituissent christianorum initiatam sacris, nullo loco praetermittunt amplificandae religionis opportunitatem. In Moraviam vero, effusa obviam multitudine ad imperii fines, summa voluntate et celebri laetitia excipiuntur. Nec mora fuit, quin imbuere christianis institutionibus animos aggredierentur et in spem caelestium bonorum erigere; idque tanta vi, tam operosa industria, ut non longo intervallo Moravorum gens nomen Iesu Christo libentissime dederit. Ad eam rem non parum scientia valuit dictionis slavonicae, quam Cyrillus ante perceperat, multumque potuerunt sacrae utriusque Testamenti litterae, quas proprio populi sermone reddiderat. Quare omnis Slavorum natio plurimum homini debet, quod non fidei christianae solum, sed etiam civilis humanitatis ex illo beneficium acceperit: nam Cyrillus et Methodius principes inveniendi fuerunt ipsas litteras, quibus est sermo ipsorum Slavorum signatus et expressus, eaque de causa eiusdem sermonis auctores non immerito habentur.

Ex tam remotis disiunctisque provinciis rerum gestarum gloriam secundus rumor Romam nuntiaverat. — Atque ita cum Nicolaus I P. M. fratres optimos Romam contendere iussisset, ii sine cunctatione imperata facere instituunt; romanumque iter alacriter ingressi, reliquias S. Clementis secum advehunt. Quo nuntio, Hadrianus II, qui in locum Nicolai demortui fuerat successus, Clero populoque comitante, obviam magna cum honoris significatione progreditur hospitibus illustribus. Corpus S. Clementis magnis extemplo prodigiis nobilitatum, solemnibus ducta pompa, inlatum est in Basilicam iisdem vestigiis paternae domus martyris invictissimi Constantiniano tempore excitatam. Deinde Cyrillus et Methodius de munere apostolico, in quo essent sancte laborioseque versati, ad Pontificem Maximum, assidente Clero, referunt. Et quoniam fecisse contra instituta maiorum religionesque sanctissimas arguebantur, quod sermonem Slavonicum in perfunctione munerum sacrorum usurpavissent, causam dixere rationibus tam certis tamque illustribus, ut Pontifex totusque Clerus et laudarent homines et probarint. Tum ambo, dicto ex formula catholicae professionis sacramento, iuratique se in fide beati Petri et Pontificum Romanorum permansuros, Episcopi ab ipso Hadriano creati consecratique sunt, pluresque ex discipulis eorum variis sacrorum ordinum gradibus initiati.

Erat tamen provisum divinitus, ut Cyrillus Romae conderet vitae cursum anno DCCCLXIX die XIV Februarii, virtute magis quam aetate maturus. Elatus est funere

publico magnificoque apparatu, eo ipso, quo Pontifices Romani solent, et in sepulcro, quod sibi Hadrianus extruxerat, perhonorifice compositus. Sacrum defuncti corpus, quia Constantinopolim asportari populus romanus non pertulit, quamvis parentis moestissimae desiderio expetitur, deductum est ad sancti Clementis, atque huius prope cineres conditum, quos Cyrillus ipse tot annis venerabundus asservarat. Cumque veheretur per Urbem inter festos psalmorum cantus, non tam funeris quam triumphi pompa, visus est populus romanus libamenta honorum caelestium viro sanctissimo detulisse.

Haec ubi acta, Methodius iussu auspiciisque Pontificis Maximi ad consueta apostolici muneris officia in Moraviam episcopus remigravit. In ea provincia *factus forma gregis ex animo* rei catholicae inservire maiore in dies studio institit; factiosorum rerum novarum auctoribus, ne catholicum nomen opinionum insaniam labefacerent, fortiter resistere; Suentopolcum principem, qui Rastilaum exceperat, ad religionem erudire; eundemque officium deserentem admonere, increpare, demum sacrorum interdictione punire. His de causis invidiam excepit teterrimi atque impurissimi tyranni, a quo actus est in exilium. Sed aliquanto post restitutus tempestivis adhortationibus impetravit, ut mutati animi indicia princeps ederet, pristinamque consuetudinem novo vitae modo redimi intelligeret oportere. Illud vero est mirabile, quod vigilans Methodii caritas, praetervecta Moraviae fines, sicut superstite Cyrillo Liburnicos et Servios attigerat, ita nunc Pannonios complectebatur, quorum principem, Cocelum nomine, ad religionem catholicam informavit, et in officio retinuit; et Bulgaros, quos ipsos cum rege eorum Bogori in fide christiani nominis confirmavit; et Dalmatas, quibuscum caelestia partiebat communicabatque charismata; et Carinthios, in quibus ad unius veri Dei notitiam cultumque traducendis plurimum elaboravit.

Sed ea res molestiam homini peperit. Etenim quidam ex novella christianorum societate, quia strenue actis rebus virtutisque Methodii inviderent, apud Joannem VIII Hadriani successorem, insontem postularunt de suspecta fide violatoque more maiorum, qui in sacris obeundis sermonem graecum aut latinum unum adhibere consueverunt, praeterea nullum. Tunc Pontifex incolumitatis fidei disciplinaeque veteris studiosissimus, Methodio Romam evocato diluere crimina, seseque purgare imperat. Is, ut semper erat ad parendum alacer conscientiaeque testimonio fretus, anno DCCCLXXX cum coram Joanne et Episcopis aliquot Cleroque urbano adfuisset, facile vicit, eam prorsus fidem et se retinuisse constanter et ceteros diligenter edocuisse, quam praesente et approbante Hadriano declaratam, ad sepulcrum principis Apostolorum iureiurando confirmarat: quod vero ad linguam Slavonicam in sacris peragendis usurpatam, se iustis de causis, ex venia ipsius Hadriani Pontificis, nec sacris litteris repugnantibus, iure fecisse. Qua peroratione ita se qualibet culpae suspitione liberavit, ut in re praesenti complexus Methodium Pontifex, potestatem eius archiepiscopalem, expeditionemque Slavonicam libenti animo ratam esse iusserit. Insuper, aliquot delectis Episcopis, quibus Methodius ipse praeesset, et quorum opera in administranda re christiana iuvaretur, perhonorificis commendatum litteris in Moraviam cum liberis mandatis remisit. Quas res omnes postea Summus Pontifex confirmatas voluit per litteras ad Methodium datas, cum scilicet huic rursus subeunda malevolorum invidia fuit. Quare securus animi, cum Pontifice Maximo

cunctaque Ecclesia romana arcissimo caritatis fideique vinculo coniunctus adsignatum sibi munus explere multo vigilantius perseveravit; nec diu desideratus est egregius operae fructus. Nam cum primum ipse per se ad catholicam fidem Borzivoium principem Bohemorum, deinde Ludmillam uxorem eius, adhibito quodam sacerdote, perduxisset, brevi perfecit, ut in ea gente christianum nomen longe lateque vulgaretur. Per eadem tempora Evangelii lumen in Poloniam invehendum curavit; quo cum ille per mediam Gallaeciam penetravisset, sedem episcopalem Leopoli statuit. Inde, ut nonnulli tradiderunt, in Moscoviam proprii nominis digressus, thronum pontificale *Kiowense* constituit. Cum his haud sane arescentibus laureis in Moraviam reversus est ad suos: iamque sese abripi ad humanum exitum sentiens, ipsemet sibi successorem designavit; Clerumque et populum supremis praeceptis ad virtutem cohortatus, ea vita, quae sibi via in caelum fuit, placidissime defunctus est. — Uti Cyrillum Roma, sic Methodium Moravia decedentem luxit, amissum quaesivit, funere eius modis omnibus honestato.

Horum factorum, Venerabiles Fratres, periucunda Nobis accidit recordatio; nec mediocriter commovemur, cum retro longe respicimus optimis initiis splendidam Slavonicarum gentium cum Romana Ecclesia coniunctionem. Etenim duo isti christiani nominis propagatores, de quibus loquuti sumus, Constantinopoli quidem ad ethnicos populos discesserunt; sed tamen eorum missionem ab hac Apostolica Sede, catholicae unitatis centro, aut omnino imperari, aut, quod plus vice simplici actum est, rite sancteque approbari oportuit. Revera hic in Urbe Roma ab iis est et suscepti muneris ratio reddita, et ad accusationes responsum; hic ad sepulcra Petri et Pauli in fidem catholicam iuratum, consecratioque episcopalis accepta una cum potestate sacri imperii, retento ordinum discrimine, constituendi. Demum hinc est usus slavonici sermonis in ritibus sanctissimis impetratus; atque hoc anno decimum expletur saeculum, ex quo Joannes VIII P. M. ad Suentopolcum Moraviae principem ita scripsit: *Litteras slavonicas... quibus Deo laudes debitae resonant, iure laudamus, et in eadem lingua Christi Domini Nostrae praefationis et opera ut enarrentur iubemus. Nec sanae fidei vel doctrinae aliquid obstat, sive missas in eadem slavonica lingua canere, sive sacrum Evangelium vel lectiones divinas Novi et Veteris Testamenti bene translatas et interpretatas legere, et alia horarum officia omnia psallere.* Quam consuetudinem multas post vices sanxit Benedictus XIV per apostolicas Litteras anno MDCCCLIV die XXV Augusti datas. — Pontifices autem Romani, quotiescumque opem rogati sunt a principibus viris, qui populis praeesentem Cyrilli Methodiique opera ad christianos ritus traductis, numquam commiserunt, ut sua desideraretur in adiuvando benignitas, in docendo humanitas, in consiliis dandis benevolentia, in rebus omnibus, quibuscumque possent, eximia voluntas. Praeter ceteris vero Rastilaus, Suentopolcus, Cocelus, sancta Ludmilla, Bogoris insignem Decessorum Nostrorum caritatem pro re et tempore experti sunt.

Neque Cyrilli ac Methodii interitu constitit aut remisit paterna Romanorum Pontificum pro Slavoniae populis sollicitudo; sed in tuenda apud eos sanctitate religionis conservandaque prosperitate publica semper enituit. Revera ad Bulgaros Nicolaus I sacerdotes qui populum instituerent, et Episcopos Populoniensium et Portuensium ab Urbe Roma misit, qui recentem christianorum socie-

tatem ordinarent: item Bulgarorum crebris de sacro iure controversiis is ipse responsa peramanter reddidit, in quibus vel ii, qui minus Ecclesiae Romanae favent, summam prudentiam collaudant atque suspiciunt. Ac post luctuosam dissidii calamitatem, laus est Innocentii III reconciliasse cum Ecclesia catholica Bulgaros, Gregorii autem IX, Innocentii IV, Nicolai IV, Eugenii IV in reconciliata gratia retinuisse. — Similiter erga Bosnienses et Erzeogovinenses, pravaram opinionum deceptos contagiis, insigniter eluxit Decessorum Nostrorum caritas, scilicet Innocentii III et Innocentii IV, qui evellere ex animis errorem; Gregorii IX, Clementis VI, Pii II, qui sacrae potestatis gradus per eas regiones stabiliter firmare studuerunt. — Nec exiguum, nec postremam curarum suarum partem Innocentius III, Nicolaus IV, Benedictus XI, Clemens V in Servios contulisse putandi sunt, a quibus fraudes, ad labefactandam religionem astute comparatas, providentissime continuerunt. — Dalmatae quoque et Liburnici ob fidei constantiam, vicissitudinemque officiorum a Ioanne X, a Gregorio VII, a Gregorio IX, ab Urbano IV favorem singularem et gravia laudum praefationis adepti sunt. — Denique ipsa in Ecclesia Sermiensi, saeculo sexto barbarorum incursionibus deleta, posteaque sancti Stephani I Hungariae regis pio studio restituta, multa sunt Gregorii IX et Clementis XIV benevolentiae monumenta.

Quapropter agendas Deo grates esse intelligimus, quod idonea Nobis occasio praebatur gratificandi genti Slavorum, communisque ipsorum utilitatis efficiendae, non minore certe studio, quam quod est in Decessoribus Nostris omni tempore perspectum. Hoc scilicet spectaculum, hoc unice cupimus, omni ope contendere ut gentes Slavonici nominis maiore Episcoporum et sacerdotum copia instruantur; ut in professione verae fidei, in obedientia verae Iesu Christi Ecclesiae obfirmentur, experiendoque quotidie magis sentiant, quanta vis bonorum ab Ecclesiae catholicae institutis in convictum domesticum omnesque reipublicae ordines redundet. Illae quidem Ecclesiae plurimas et maximas curarum Nostrarum sibi partes vindicant; nec quicquam est, quod optemus vehementius, quam ut earum possimus commoditati prosperitatisque consulere, cunctasque perpetuo concordiae nexu Nobiscum habere coniunctas, quod est maximum atque optimum vinculum incolunitatis. Reliquum est, ut adspiret propositis Nostris et incoepa secundet *dives in misericordia Deus*. Nos interim apud ipsum deprecatores adhibemus Cyrillum et Methodium, Slavoniae magistros, quorum sicut volumus amplificari cultum, ita caeleste patrocinium Nobis adfuturum confidimus.

Itaque praecipimus ut, rato die quinto mensis Iulii quem f. r. Pius IX constituit, in Kalendarium Romanae atque universalis Ecclesiae inseratur, agaturque quotannis festum sanctorum Cyrilli et Methodii cum ritus duplicis minoris Officio et Missa propria, quae sacrum Consilium legitimis ritibus cognoscendis approbavit.

Vobis autem omnibus, Venerabiles Fratres, mandamus, ut has Litteras Nostras publicandas curetis, et quae in iis praescripta sunt cunctos ex ordine sacrorum, qui divinum Officium ritu Ecclesiae Romanae celebrant, servare iubeatis, in suis quisque Ecclesiis, Provinciis, civitatibus, Dioecesibus, et locis Regularium. Denique volumus, Vobis suadentibus et cohortantibus, in universum rogari atque orari Cyrillum et Methodium, ut, qua valent apud Deum gratia, Oriente toto rem

christianam tueantur, imploranda catholicis hominibus constantia, dissidentibus reconciliandae cum vera Ecclesia concordiae voluntate.

Haec, ut supra scripta sunt, ita rata et firma esse subemus, non obstantibus sancti Pii V Pontificis Decessoris Nostri aliisque Apostolicis super Breviarii et Missalis Romani reformatione editis Constitutionibus, statutis quoque ac consuetudinibus, etiam immemorabilibus, ceterisque contrariis quibuscumque.

Caelestium vero munerum auspiciem et praecipuae Nostrae benevolentiae pignus, Apostolicam benedictionem Vobis omnibus, Venerabiles Fratres, cunctoque Clero et populo singulis Vestrum commisso peramanter in Domino impertimus.

Datum Romae apud sanctum Petrum, die XXX Septembris Anno MDCCCLXXX, Pontificatus Nostri anno Tertio.

LEO PP. XIII.

Nr. 8537. Wir bringen vorstehende Epistola encyclica des hl. Vaters Leo XIII. vom 30. September d. J., „Die Aufnahme des Festes der heiligen Bekenner und Bischöfe Cyrillus und Methodius in das Calendarium der römischen und allgemeinen Kirche betr.“, zur Kenntnissnahme des hochwürdigsten Clerus der Erzdiocese, indem wir anfügen, daß das Officium des Festes der betreffenden Heiligen im nächsten Jahre bei uns noch auf den im Directorium pro 1881 demselben angewiesenen Tag und auf die dort angegebene Weise zu performiren sei.

Freiburg, den 22. Oktober 1880.

Erzbischöfliches Capitels-Vicariat.

Unterstützung der Christen in Persien betr.

Aus der apostolischen Mission in Persien dringt ein Nothschrei und die flehendliche Bitte um alsbaldige Hilfe zu uns. Der um die orientalische Mission hochverdiente Baron Erstenberg-Freyenthurn hat uns um Publikation seines Aufrufes ersucht, in welchem die gräßliche Hungernoth der persischen Christen geschildert wird. Indem wir denselben hier zum Abdruck bringen, empfehlen wir die Nothleidenden der opferwilligen Liebe des hochw. Clerus und der Laien mit dem Bemerken, daß wir bereit sind, freiwillige Beiträge in Empfang zu nehmen.

Freiburg, den 16. Oktober 1880.

Erzbischöfliches Capitels-Vicariat.

P. T.

Die in Persien, namentlich in den Districten von Durmiah und Salmas, grassirende Hungernoth hat dermalen einen Höhepunkt erreicht, dessen gräßliche Consequenzen wohl nur ein Augenzeuge zu überblicken vermag.

Die Prüfung, welche die Vorsehung über die Apostolischen Missionäre und den edlen, jeder Aufopferung fähigen Herrn Erzbischof, Mgr. Cluzel, Apostolischen Delegaten, seit Neujahr zuließ, kann nur mit der schweren Drangsal verglichen werden, welche die zahlreichen, wahrhaft frommen, nestorianischen Convertiten zu erdulden haben, wobei der seeleneifrige Herr Erzbischof von Salmas (auch Convertit) das erhabenste Beispiel von Selbstverläugnung darbietet.

Geld und reichliche Nahrung wird von Seite der amerikanischen Sectirer den hungernden Christen und den darbenenden Waisenkindern in Fülle angeboten; allein auch im gedenkbarsten höchsten Elende sind die Schwergedrückten ein Herz und eine Seele, und theilen unter sich die kargen, um den (seit Neujahr) siebenfachen Preis erkauften Bissen Reis- oder Maisbrod, während unter den Muselmännern, leider nicht selten, der erschütternde Fall vorkommt, daß sie ihre hungernden Kinder tödten und in's Wasser werfen, während ihre, durch Gier nach Nahrung oft wahnsinnig gewordenen Weiber die Säuglinge am Spieße braten und mit wilder Hast verzehren; ein Aufzehren von Leichnamen findet auch nicht selten statt. — (Die Kornpreise stiegen seit 1. Januar 1880 von 5 Fr. auf 150 Francs!)

Dringend nöthig wäre zum nothdürftigen Unterhalt der armen Waisen, welche bisher von der Mission gepflegt wurden, die Summe von 3000 Mark, um deren samaritanische Gewährung die wohlhabenderen Christen Deutschlands — im Namen des göttlichen Heilandes Jesu, und auf Ersuchen der apostolischen Delegation — inständig gebeten werden, zumal die früheren Subventionen aus Frankreich äußerst empfindlich abgenommen haben, und die Christen von Durmiah und Salmas durch Nahrungsmangel so erschöpft sind, daß sie ihre Felder nur wenig und nur oberflächlich zu bestellen vermögen.

(Einem Schreiben Sr. Excellenz, Mgr. Cluzel, Durmiah, 17. Juli sowie zahlreichen Nachträgen zufolge, habe ich die deutsche Charitas inständigst um gütige Zuweisung von beiläufig 10,000 Intentionen zu bitten, nachdem die Persol-

virung der bisher Erhaltenen zu Ende geht. Für gewissenhafte schnelle Belehrung bürgt die stets getreuliche, sorgsame Aufsicht benannter Kirchenfürsten.)

„Was ihr dem Geringsten thut, das habt ihr Mir gethan!“ Mit diesen Worten der Heiligen Schrift erneuere ich obige dringende Bitte, hochachtungsvollst zeichnend

Wien, 8. Oktober 1880.
(Simmelpfortgasse 9.)

Baron Erstenberg-Freyenthurn.
Commandeur des Sanct Gregor-Ordens,
im Namen und Auftrag der Apostolischen Delegation in Persien.

Pfründeausschreiben.

Nachstehende Pfründe wird anmit zur Bewerbung ausgeschrieben:

Kappelwindeth, Decanats Ottersweier, mit einem Einkommen von 2400 M.

Die Bewerber um diese Pfründe habe ihre mit den vorgeschriebenen Zeugnissen belegten und an Seine Königliche Hoheit den Großherzog gerichteten Bittgesuche um Präsentation von Seite Allerhöchst desselben innerhalb sechs Wochen bei Großherzoglichem Ministerium des Innern einzureichen.

Pfründebefetzungen.

Dem von Seiner Königlichen Hoheit dem Durchlachtigsten Großherzog auf die Pfarrei Leutershausen, Decanats Weinheim, präsentirten Pfarrer Anton Knörzer, seither Pfarrverweser dortselbst, wurde den 30. September l. J. die canonische Institution ertheilt.

Seine Königliche Hoheit der Durchlachtigste Großherzog haben den von Seiner Bischöflichen Gnaden dem Hochwürdigsten Herrn Erzbischofsverweser vorgeschlagenen Bewerber Pfarrverweser Martin Ehrat in Siegelau auf die Pfarrei Siegelau, Decanats Freiburg, designirt und hat derselbe den 5. Oktober l. J. die canonische Institution erhalten.

Seine Königliche Hoheit der Durchlachtigste Großherzog haben den von Seiner Bischöflichen Gnaden dem Hochwürdigsten Herrn Erzbischofsverweser vorgeschlagenen Bewerber Vicar Josef Fsele in St. Peter auf die Pfarrei Dbersäckingen, Decanats Wiesenthal, designirt und hat derselbe den 5. Oktober l. J. die canonische Institution erhalten.

Dem von Seiner Königlichen Hoheit dem Durchlachtigsten Großherzog auf die Pfarrei Weingarten, Decanats Bruchsal, präsentirten Pfarrer Ferdinand Falk, seither Pfarrverweser dortselbst, wurde den 6. Oktober l. J. die canonische Institution ertheilt.

Dem von Seiner Königlichen Hoheit dem Durchlachtigsten Großherzog auf die Pfarrei Doss, Decanats Gernsbach, präsentirten Pfarrer Eduard Faulhaber, bisher Pfarrverweser in Freudenberg, wurde den 10. Oktober l. J. die canonische Institution ertheilt.

Seine Bischöflichen Gnaden der Hochwürdigste Herr Erzbischofsverweser haben die Pfarrei Untergrombach, Decanats Bruchsal, dem bisherigen Pfarrverweser Heinrich Bußmann in Doss, Pfarrer von Burbach, verliehen und hat derselbe den 12. Oktober l. J. die canonische Institution erhalten.

Dem von Seiner Königlichen Hoheit dem Durchlachtigsten Großherzog auf die Pfarrei Eubigheim, Decanats Buchen, präsentirten Pfarrer Dominik Schöllig wurde den 13. Oktober l. J. die canonische Institution ertheilt.

Diensternennungen.

Mit Erlaß Erzbischöflichen Capitelsvicariates vom 7. Oktober l. J., Nr. 7773, wurde Decan und Stadtpfarrer Wilhelm Seilnacht in Waibstadt zum Erzbischöflichen Schulinспекtor für das Landcapitel Waibstadt ernannt.

Vom venerablen Landcapitel Gernsbach wurde Pfarrer Heinrich Mergale in Haueneberstein zum Definitor gewählt und mit Erlaß Erzbischöflichen Capitelsvicariates vom 16. Oktober l. J., Nr. 8518, bestätigt.

Sterbfall.

Den 5. Oktober: Franz Sales Kunle, Pfarrer in Umkirch, Definitor.

R. I. P.

Besetzungen bzw. Dienstanweisungen.

- Den 20. September: Engelbert Jung, Vicar in Herdern, i. g. E. nach Gengenbach.
Augustin Schott, Vicar in Gengenbach, i. g. E. an die obere Stadtpfarrei in Mannheim.
- Den 23. September: Priester Karl Heinzelmann als Vicar nach Bühlerthal.
Anton Geier, Caplan, als Vicar nach Zuzenhäusen.
Priester Peter Berens als Vicar nach Malsch.
Peter Kaufmann, Vicar in Bonndorf, i. g. E. nach Oberbergen.
August Meyer, Vicar in Oberbergen, i. g. E. nach Bettmaringen.
Otto Heimlich, Vicar in Malsch, i. g. E. nach Oberwinden.
Franz Pfeiffer, Pfarrverweser in Schönau, i. g. E. nach Freudenberg.
Franz Pfeizer, Pfarrverweser in Untergrombach, i. g. E. nach Huttenheim.
Anton Ehret, Pfarrverweser in Eschbach, i. g. E. nach Wagenstadt.
Benedikt Gillmann, Pfarrverweser in Fischbach, i. g. E. nach Niedereischach.
- Den 30. September: Rudolf Freidhof, Vicar in Wallbüren, i. g. E. an die obere Stadtpfarrei in Mannheim.
Julius Englert, Vicar in Mannheim, als Pfarrverweser nach Weinheim.
Engelbert Kleiser, Vicar in Altglashütte, als Caplaneiverweser nach Billafingen, Pfarrei Dwingen.
Karl Knörzer, Beneficiumsverweser in Neudenan, als Pfarrverweser nach Rützbrunn.
Adolf Braun, Pfarrer von Weinheim mit Absenzbewilligung als Beneficiumsverweser nach Neudenan.
Balduin Werr, geistlicher Lehrer in Freiburg, als Pfarrverweser nach Hüngheim.
- Den 7. Oktober: Wilhelm Hämmerle, Pfarrverweser in Hartheim, i. g. E. nach Luttingen.
- Den 16. Oktober: Julius Reiß, Caplan, als Pfarrverweser nach Altglashütte.
-

Mesner- und Organistendienst-Besetzungen.

Von dem erzbischöfl. Capitels-Vicariat wurden als Mesner, Glöckner und Organisten bestätigt —

- Den 10. Juni: Schreiner Benedikt Böhler als Mesner und Glöckner an der Pfarrkirche in Reichenau-Münster.
- Den 20. August: Landwirth Wendelin Riether als Mesner und Glöckner an der Kapelle in Altenbeuren, Pfarrei Weildorf.
Schneider Johann Baptist Streule als Mesner und Glöckner an der St. Martinspfarrkirche in Freiburg.
- Den 26. August: Fischer Ferdinand Dürr als Mesner und Glöckner an der Pfarrkirche in Burkheim.
- Den 10. September: Hauptlehrer Richard Schmalz als Organist an der Pfarrkirche in Gündlingen.
- Den 23. September: " " Friedrich Lenzinger als Organist, Landwirth Stefan Scheidegg als Mesner und Glöckner an der Pfarrkirche in Linz.
- Den 30. September: Philipp Hettel als Mesner und Glöckner an der Pfarrkirche in Bietigheim.